



Pou Piblikasyon Imedya: 01/11/2023

GOUVÈNÈ KATHY HOCHUL

**GOUVÈNÈ HOCHUL ANONSE PWOGRÈ ENPÒTAN, DIRAB NAN BATAY KONT  
VYOLANS AK ZAM AK VÒL MACHIN NAN VIL ROCHESTER**

*Patenarya ant fòs lòd federal, eta ak lokal yo te pwodui rezulta*

*Rochester te konnen yon diminisyon 17 poustan nan ensidan fiziyad ak blese yo  
ak yon rediksyon 30 poustan nan kantite moun ki mouri pa vyolans ak zam  
soti janvye rive 22 oktòb 2023 pa rapò ak menm peryòd tan an ane passe*

*Vòl veyikil nan vil la te diminye tou a 38 poustan pa rapò ak vòl mwa jwen yo –  
mwa yo te rapòte ki gen plis vòl jiska prezan nan 2023 – avèk sa yo rapòte nan  
mwa out yo*

*Gouvènè Hochul ankouraje rezidan Rochester ak Finger Lakes yo pou patisipe  
nan klinik mizajou lojisyèl ke Hyundai ap fè nan Rochester mwa sa pou pwoteje  
machin yo pi plis kont vòl*

Gouvènè Kathy Hochul te anonse pwogrè enpòtan ki soutni nan konba kont vyolans ak zam ak vòl machin nan vil Rochester. Patenarya ant fòs lòd federal, eta ak lokal yo te pwodui rezulta, ki enkli yon diminisyon 17 poustan nan ensidan fiziyad avèk blesi yo (217 pa rapò ak 261) ak yon rediksyon 30 poustan nan kantite moun ki mouri pa vyolans ak zam yo (39 pa rapò ak 56) soti 1ye janvye rive 22 oktòb 2023, pa rapò ak menm peryòd la ane passe. Vòl veyikil nan vil la te diminye tou a 38 poustan pa rapò ak vòl mwa jwen yo, ki se mwa yo te rapòte ki te gen plis vòl jiska prezan nan 2023 ak sa yo te rapòte nan mwa out yo ki se dezyèm mwa ki gen mwens vòl yo te rapòte ane sa. Gouvènè Hochul te ankouraje rezidan Rochester ak Finger Lakes yo tou pou patisipe nan klinik mizajou lojisyèl Hyundai la nan Rochester mwa sa pou pwoteje machin yo pi plis kont vòl

"Antanke Gouvènè, priyorite prensipal mwen se kenbe Nouyòkè yo an sekirite", **Gouvènè Hochul te deklare.** "Nou te fè envèstisman nan nivo rekò pou abòde flewo vyolans ak zam ki afekte kominote nou yo, e nou te lanse yon estrateji konplè pou konbat vag vòl machin nou obsèbe atravè eta nou an. Nou ekstrèman fyè de pwogrè nou te fè nan Rochester, men nou p ap repoze jiskaske chak Nouyòkè ka viv nan kominote pezib, nan sekirite ke yo merite a."

Gouvènè Hochul te souliyen tandans krim ki pozitif sa yo pandan remak maten an nan Rapò Kominotè ak Dejene anyèl Pwojè Exile ke Camp Good Days te fè nan the Doubletree, Otèl Hilton nan Henrietta, Konte Monroe. Evènman an te prezante remak fonksyonè eli yo, ak patnè fòs lòd lokal, eta ak federal yo ki enkli Direktè Biwo Alkòl, Tabak, Zam Afe ak Eksplozif la (Alcohol, Tobacco, Firearms and Explosives, ATF), Steven Dettelbach.

**Direktè Biwo Alkòl, Tabak, Zam Afe ak Eksplozif la, Steven Dettelbach, te deklare,** "Pandan ane ki pase a, Fòs Lòd kont Krim Vyolan, AFT pou Rochester a te travay san pran souf pou pote akizasyon federal kont 112 akize, sezi 256 zam krim, ki enkli fizi AK/AR ak dispozitif konvèsyon mitrayèt, epi ede diminye pouvantaj krim vyolan jeneral la. Se yon travay ekstraòdinè ki danjere, e siksè li se akoz yon sèl bagay: patenarya. Efò kolaborasyon ki fèt nan Rochester a se vreman yon egzanp nan peyi a."

Depatman polis ki patisipe nan Inisyativ Eliminasyon Vyolans ki Enplike Zam (Gun Involved Violence Elimination, GIVE) la ki genyen ladan yo Polis Rocheste, ki te eksperimante menm diminisyon an ane sa jiska 22 oktòb: yon diminisyon 25 pouzan (672 pa rapò ak 894) nan ensidan fiziyad ak 33 bès nan kantite moun ki mouri nan vyolans ak zam (117 pa rapò ak 175). Depatman Polis Vil New York la rapòtou diminisyon de chif nan kantite ensidan fiziyad ak moun yo tire jiska 29 oktòb 2023: yon rediksyon 26 pouzan nan ensitan fiziyad (834 pa rapò ak 1,119) ak 377 moun anmwens ki blese pa zam afe (982 pa rapò ak 1,359 oswa -28 pouzan)

Gouvènè Hochul [te sekirize apeprè 36.2 milyon dola pou inisyativ GIVE la nan Bidjè Ane Fiskal 2024 la](#) ki genyen ladan I pi gwo envestisman ki te janm genyen nan finansman sekirite piblik ak jistics penal pou sipòte apwòch konplè ak plizyè aspè Gouvènè Hochul la pou adrese vyolans ak zam, ogmantasyon nan vòl machin ak pou amelyore sekirite piblik pi plis nan kominote atravè New York yo. Administrasyon Gouvènè Hochul la te bay plis pase kat fwa plis finansman pou Rochester nan de ane ki sot pase yo pou adrese ogmantasyon vyolans ak zam ak lòt krim apre epòk pandemi an.

Divizyon Sèvis Jistics Penal (Division of Criminal Justice Services, DCJS) eta a ak ATF te tabli yon patenarya inik ki pèmèt Sant Analiz Krim yo (Crime Analysis Centers) ke eta a soutni gen aksè nan Rezo Nasional Enfòmasyon Balistik Entegre (National Integrated Ballistic Information Network, NIBIN) ajans lan. Nan fen ane a, nèf sant ap genyen teknoloji ki deja operasyonèl epi disponib nan sant Monroe ak plizyè lòt sant nan rezo eta a. Sa pèmèt anketè lapolis yo trete dosye yo epi idantifye sa ki gen chans pou koresponn ak sèn krim diferan nan plizyè jiridiksyon nan eta a pi rapidman epi nan fason ki pi egzak, nan 24 a 48 èdtan olye de yon mwa epi ak 99.6 pouzan egzaktitud. Lè yo resevwa rezulta NIBIN yo, analis nan sant krim yo konpile enfòmasyon sa epi bay lapolis tiyo pou mennen plis envestigasyon.

**Komisè Divizyon Sèvis Jistics Kriminèl la, Rossana Rosado, te deklare,** "Sipò Gouvènè Hochul pou fòs lòd lokal la ak òganizasyon kominotè yo k ap travay pou diminye vyolans ak zam epi reyini kominote yo, te san presedan. Patenarya nou ak ATF

se yon lòt egzanz de jan eta a eksplwate teknoloji pou ede lapolis ak pwokirè yo rezoud krim, diminye epi anpeche krim nan fason ki pi efikas. Mwen felisite ekip la pou travay inovan ak angajman yo pou bay patnè lokal nou yo resous, sipò, ak zouti yo bezwen pou amelyore sekirite ak byennèt kominote yo pi plis."

Envestisman Gouvènè Hochul te sekirize a genyen ladan I tou 17 milyon dola pou [Rezo Sant Analiz Krim lan](#), ki sipòte pa DCJS nan patenarya ak ajans fòs lòd lokal yo. 11 sant ki nan rezo a sèvi plis pase 350 ajans fòs lòd nan 48 konte, ansanm ak nenpòt ajans, sou demann. Ane pase, anplwaye nan sant yo te reponn plis pase 71,000 demann pou asistans ajans fòs de lòd lokal, eta ak federal yo, ki ede ajans yo rezoud asasina, vòl, kanbriyolaj, vòl machin, krim ak zam, ak lòt dosye grav.

Konte Monroe te eksperimente pi gwo ogmantasyon vòl machin nan peyi a nan sèt premye mwa ane sa, avèk vòl nan vil Rochester ki te oryante chif sa yo. Sis semèn de sa, Gouvènè Hochul te anonse [Estrateji Konplè pou Diminye Vòl Machin \(Comprehensive Auto-Theft Reduction Strategy, CARS\) la, yon seri mezi pou konbat gwo kantite vòl machin](#), patikilyèman modèl Kia ak Hyundai yo, nan konte atravè New York. Jiska preznan nan Rochester ane sa, vòl vezikil yo te rapòte yo te atenn yon nivo 634 nan mwa jwen, ak yon diminisyon nan de mwa ki vini apre yo, avèk 542 ka ki rapòte nan jiyè ak 394 ki rapòte nan mwa out. Sèlman nan mwa mas, yo te rapòte 353 vòl vezikil, ki te gen mwens vòl vezikil pase mwa out ane sa. Sa yo se done ki pi resan ke Depatman Polis Rochester (Rochester Police Department, RPD) te rapòte bay Divizyon Sèvis Jistics Penal la (DCJS). RPD bay plis rapò sou krim ki ajou sou sitwèb yo a. Dapre PD Rochester, te gen 172 vòl vezikil amotè nan septanm ak 155 nan oktòb 2023. Yo pa ko soumèt [done](#) sa yo bay DCJS epi verifye yo.

**Komisè Depatman Veyikil a Motè (Department of Motor Vehicles) a nan Eta New York la ak Prezidan Komite Sekirite Sikilasyon Gouvènè (Governor's Traffic Safety Committee) a, Mark J.F. Schroeder, te deklare**, "DMV ak anketè nou yo te travay deprè ak patnè fòs lòd yo ak patnè konsesyonè nou yo pou konbat pwoblèm sa. Moun yo pa ta dwe ap enkyete ke yo pran machin yo depanse lajan ke yo fè nan travay di yo pou yon balad oswa pou yo itilize pou komèt yon krim. Nou kontinye angaje pou diminye chif sa yo epi mwen felisite Gouvènè Hochul pou lidèchip li sou pwoblèm sa."

DCJS genyen tou [50 milyon dola ki disponib pou depatman polis ak biwo cherif Vil New York yo pou achte nouvèl teknoloji ak ekipman](#) pou modènize operasyon yo epi rezoud epi anpeche krim nan kominote yo ak plis efikasite. Dat limit pou aplike pou finansman sa se mèkredi 8 novanm a midi. Anplis li ankouraje ajans fòs lòd yo aplike pou finansman sa, Gouvènè Hochul raple rezidan Rochester ak Finger Lakes yo pou patisipe nan klinik mizajou lojisyèl Hyundai ap fè soti vandredi 17 novanm 8 a.m. jiska 5 p.m. ak samdi 18 novanm nan paking Monroe Community College nan ang Morrie Silver Way ak Oak Street nan Rochester.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418